

)(2^r

Den Wolgebornen Herren/
 Herrn Marxen/ Herrn Hanfen/ Herrn Jacoben/
 Allen Fuckhern gebrüdern/ Herrn zu Kirchbergk/ Vnd
 Weiffenhorn/ etc. Meinen gnedig-
 gen Herrn.
 VNter vnzalbaren vielen dingen/ Wel-
 che von Anfang der Welt biß jetzundt/ durch vn-
 terfchiedliche Perfonen/ vnd zu vnterfchiedlichen
 zeiten/ dem Menfchlichen Gefchlecht nützlich
 vnd gut erfunden worden find/ Wolgeborne/
 gnedige Herrn/ Jft die erfindung der Schiff vnd
 Schiffung/ Wo nicht für die fürnemfte zu ach-
 ten/ Jedoch nicht vnter die geringfte vnd fchlech-
 tefte zu zehlen/ Wie fich dann auch findet/ daß diefelbige von den alten
 Heyden in groffen Ehrn/ vnd hoch gehalten worden ift/ Welches darauß
 leichtlich abzunemen/ daß nach dem fie im brauch gehabt/ die/ welche den
 Menfchen zu nutz/ was fonderlichs vnd guts erfunden haben/ Vnter die
 Götter zu zehlen/ vnd denfelbigen nach jrem Abfterben Göttliche ehr anzu-
 thun vnd zuerzeigen/ Als Ceres ein erfinderin der Frucht/ Vnd Bacchus
 der Erfte Weinpflantzer/ Von folcher groffen Gutthat wegen/ vnter die
 Götter gerechnet worden/ vnd andern mehr/ Gleicher weiß/ hat auch
 Neptunus/ Welchem etliche zugeben/ daß er der erfte fey/ fo die Kunft wie

)(ij man

)(2^v

Vorrede.

man Schiffen foll/ erfunden habe/ vmb folcher feiner fůrtrefflichen Gut= that willen Gůttliche Ehr verdienet/ Jft von jhnen den Heyden/ als ein Gott/ Herrfcher vnd bezwinger deß Meers gerhůmbt worden/ Vnd zwar meines erachtens/ nicht vnbillich/ von wegen deß vielfáltigen groffen nutzens/ fo menniglichen darauß empfindet/ Wie es die tágliche erfahrung gibt/ Zu gefchweigen deß lufts/ fo man auß durchwanderung vnd Schiffung frembder jenfeit Waffer vnd Meer/ weit von vns gelegenen Landen bekompt/ vnd diefelbigen mit gutem Windt/ etwan in gar wenig ftunden oder tagen erlangen vnd erreichen kan/ da fonft/ wenn man gleich zu Land dahin kommen mócht/ viel Wochen/ ja wol etwan Jar vnd Tag darzu gehórt/ So kan man in einem Schiff/ mehr Wahren vnd Guts vberfůhren/ dann fonften mit viel Laftwágen/ durch groffen Vnkoften befchehen kóndt/ Neben dem/ daß ohne diefe Edle thewre Kunft/ wir vielen Leuten/ Kónigreichen vnd Nationen/ vnd fie vns hinwider gantz vnd gar vnwifendt vnd vnbekannt weren/ Vnd etwan mancher/ fo in einer/ vonandern orten fehr weit gelegenen Infeln wohnete/ anders nit meynen/ oder auch wiffen würde/ Dann als ob keine Menfchen mehr auff Erden/ vnd feine Infel allein die gantze Welt were/ welches je erbármlich were/ in der Welt wohnen/ vnd doch den wenigften oder geringften theil der Welt/ wiffen vnd kennen. Dieweil dann der Menfch in diefem Leben nichts größers vnd kóftlichers hat/ noch haben kan/ Als Weißheit vnd Vernunfft/ welche durch lange erfahrung vnd lernung vieler Leut fitten/ vnd gewonheiten/ fůrnemlich gemehret vnd gebeffert wirdt/ So ift ja keinzweiffel/ daß die Schiffung darzu gantz bequem vnd dienlich fey. Dannen hero auch der Hochlůblich Poet Homerus/ nach dem er vnter der Perfon vnd namen Vlyffis einen Klugen Verftändigen Mann befchreiben will/ meldet/ vnd jhn derhalben auch fonderlich rhůmet/ daß derfelbige viel Landt durchreyfet/ vnd durchfchiffet/ vnd vieler Vólcker Leben vnd fitten/ gefehen/ erkennet vnd gelernt hab/ Da er fagt:

Πολλνώ [sic] δ' ἀνδρώπων ἴδεν ἄστεα καὶ νόον ἔγνων,

Πολλά δ' ὄγ ἐν πόντῳ πάθεν ἄλγεα ὄμ κατὰ θυμόμ.

Es hat aber auch zu erfindung der Schiffung/ die not zum theil vrfach gegeben/ vnd den Menfchen darzu getrungen/ Dann nach dem nicht leichtlich in einem Land alles zu finden/ vnd zu wegen zu bringen ift/ fo deß Menfchen notturfft erheifcht/ vnd zu deffen fůglicher gnugfamen vnterhaltung gehórt/ Als hat er anderer vnd frembder Leut hůlff fuchen múffen/ Welche durch keinen weg/ Als die Schiffung/ ehe vnd beffer zu wegen hat bracht mógen werden/ Wie man denn fihet/ daß die Státt/ fo an den Waffern vnd dem Meer gelegen find/ viel reicher find/ vnd von allen din=

gen einen beffern vnd bequemlichern Zugang haben/ Als andere/ fo dem
Waffer entfeffen.

Jch will hie nit fagen von der groffen gefchwindigkeit/ Künften vnd
gefchick~~e~~

)(3^r

Vorrede.

geschicklichkeit/ so durch die tägliche erfahrung/ je lenger je mehr im Schiffen gebraucht wirdt/ daß wenn schon der vnaußsprechlich nutz vnd vorteil vieler ding nicht were/ doch vmb der eintzigen Kunft vnd subilitet willen/ diese erfindung hoch zu loben vnd zu preifen feyn würde.

Derhalben hab ich groffen luft vnd gefallen gehabt/ zu denen Büchern/ Welche von Schiffungen vnd Schiffartengeschrieben sind/ Vnd sonderlich zu denen/ so die an tag zubringen sich bemühet haben/ Was bey vnd kurtz vor vnfern Zeiten vor Landtschafften vnd Inseln erfunden/ vnd bekannt gemacht worden feyen/ Deren dann (Gott lob) nicht wenig sind/ Dermassen daß jnnerhalb vngeföhrlch neuntzig Jaren/ von anfang der ersten Schiffung Chriftophori Columbi (So er ad Infulas Fortunatas, welche jetzundt Canarie genennt werden/ gethan hat) nicht allein viel so man nach der Beschreibung Ptolomei vnd anderer/ anders oder gar nicht zu feyn vermeint hat/ sonder auch soviel neuwes zuuor vnbekandtes vnd doch bewontes Lands vnd Erdrichs erfunden/ daß es die neuwe Welt genennt wirdt/ Vnd auch nach etlicher meynung wol so groffen vnd weiten Begriff hat/ Als alle die Länder/ so zuuor Ptolomeo vnd andern Cosmographis bekannt gewesen/ vnd von jnen beschreiben worden sind.

Vnter denfelbigen ist nun auch die Landtschafft deß Großmechtigen Königs Preto Johann oder Priester Johann genannt/ so an das Königreich Melinde stößt/ welche von etlichen Cosmographis vnter Afiam gerechnet/ Den andern aber in Ethiopien gesetzt wirdt/ Dauon hat der Herr Franciscus Aluares/ ein Geiftlicher auß Portugall/ Welcher sechß Jar in dieses neuw Priester Johanns Landen verharret/ ein sehr feines Buch in Hispanischer oder Portugalesischer Sprach geschrieben/ das hat vielen Leuten so wol gefallen/ daß es folgendts in die Italianisch vnd Frantzösisch/ vnd nun auch in die Hochteutsche Sprach zierlich vnd wol gebracht/ vnd verdolmetcht worden ist/ Welches ich mir auff anregung vnd begern etlicher meiner guten Herrn vnd Freundt/ zu Trucken fürgenommen/ Vnd daffelb mit schönen Figuren zieren lassen/ Daneben auch ein Cosmographi/ darinnen Ertlich der gantzte Erdbodem in gemein/ folgendts die fürnehmsten vnd Haupttheil derfelbigen/ Als Asia/ Africa/ Europa/ Vnd dann America (So man die Neuwe Welt pflegt zu nennen) Vnd darnach alle Landtschafften vnd Inseln/ inn einem jeden theil begriffen/ auffß aller kürztzt/ vnnd gantz eigentlich vnd verftendlich Beschrieben werden.

Letzlich die verteutsche Chronic deß Gelerten Heiligen Alten Bischoffs Pauli Orosij/ Diueil sichs meinserachtens/ gar wol zufamen schickt/ auch hinzu setzen/ vnd solches alles in drey vnterschiedtliche Theil

(Damit es zugleich oder befonder nach eines jeden Gelegenheit möchte ge-
kaufft werden) Trucken vnd außtheilen laffen. Diefel drey Bücher hab E.
G. G. Als dreyen Brüdern meinen gnedigen Herrn ich zufchreiben/ vnd

) (iij dedicati

)(3^v

Vorrede.

dediciren wöllen/ Dieweil mir an dem ort/ da noch jetziger zeit E. G. G. Hofhaltung/ nemlich zu Augspurg/ in meiner blüenden Jugendt von E. G. G. Herrn Vatter viel mehr guts vnd liebes/ denn ich jmmermehr/ ob ichs wol gern wölt/ mir es auch offft/ aber vergeblich/ vorgenommen/ zu verchulden weiß oder vermag/ bewiefen vnd erzeigt worden/ Darnach weil auch E. G. G. nicht allein selbsten Gelehrt vnd erfahrn/ Darzu Gelehrte vnd Kuntreiche Leut lieb haben/ vnd dieselbigen in viel weg befürdern/ auch derhalben von menniglich hoch gerhumbt werden/ fonder auch vnd fürnemlich/ dieweil E. G. G. diefer ding groffen verftandt zu erkündigung frembder Landen luft tragen/ Auch deren selbft viel durchreyft vnd gefehen haben. Vnd ift demnach an E. G. G. fañt vnd fonder mein gantz Vnderthenige Bitt/ fie wöllen diefes neuw/ vnd meins Verhoffens/ gut nützlich Werck/ von mir in Gnaden vnd allem guten auff vnd annemen/ Desselbigen Patronen/ Schirmer vnd vertheydiger/ auch meine Gnedige Herrn feyn vnd bleiben. Das bin vmb E. G. G. ich fo bald vnd viel mir jmmer müglich/ hinwider zuverdienen bereit vnd willig.

Der treuwe Barmhertzige Gott/ ein HERR vnd Erhalter aller ding/ wölle E. G. G. allefampt bey langwiriger Gefundtheit/ vnd Gottfeliger Regierung/ zu Lob vnd Ehr feines Göttlichen Namens/ auch aller andern Leut/ vnd fonderlich Eu. G. G. Vnterthanen/ Heil vnd Wolfart/ gnediglich fchützen vnd erhalten/ Geben zu

Franckfurt am Mayn/ den 22. Martij/

M. D. LXXVI.

E. G. G. Vndertheniger

Dienstwilliger/

Sigmundt Feyrabendt

Buchhändler.